



**Claudii Fleurii Abbatis Historia Ecclesiastica**

Ab anno Christi 1595. usque ad annum 1600

**Fleury, Claude**

**August. Vind. [u.a.], 1773**

**VD18 90118677**

§. 8. Joannis Livinei obitus.

---

[urn:nbn:de:hbz:466:1-67263](#)

Sæcul XVI.  
A.C. 1599.

§. VIII.

*Joannis Livinei obitus.*

*Thu. Mench.* Postremus inter Scriptores ecclesiasticos, qui hoc anno mortalitatem exierunt, recensetur Joannes Livinejus,

*& Iselin. l.c.* qui ex Clara Livinei Torrentii celeberrimi Antverpiæ Episcopi Sorore natus primam lacem Teneramundæ aspexit, vulgo tamen *Gandavensis* dictus, eoque a tenetis Gandavi educatus fuisse. Hic humanioribus literis Coloniæ, Lovaniæ vero Theologiæ operam navavit, ac Graecæ linguæ scientiam probe asseditus sanctorum Patrum studio totum sese sacravit, ac demum Antverpiensis Ecclesie Canonicus Agnati sui eruditissimi Prelatis vestigia premere intentus, & Republicam literariam illustrare sollicitus Romam profectus est, ubi assiduo Bibliothecæ Vaticanæ usu, & ope adjutus tantopere profecit, ut unacum Guillermo Cantero Plautinianam Bibiorum editionem adornaret, ac postea Guillermo Sirleto, & Antonio Caraffæ Cardinalibus, quorum benevolentiam sibi conciliaverat, in eodem opere suam industriam comprobatam redderet: præterea duodecim *Panegyricos veteres* notis illustratos edidit, pluraque Græcorum Patrum opera latinitate donavit, cumque Antverpiam reversus sanctum Gre-

Gregorium Nyssenum Græce publi- Sæcul.XVI.  
A.C.1600.  
ci juris facere meditaretur, morte  
calatum exutiente ibidem anno æta-  
tis suæ quinquagesimo secundo decima  
tertia Januarii obiit, prope Torrentii  
Avunculi sui corpus in Majori Urbis  
Basilica ad Beatam Virginem sepultus.

### §. IX.

#### *Anni sacri solemnitas Romæ celebrata.*

Annus Christi millesimus sexcentesimus *Thuan. Hist.*  
indictionis decimæ tertiae uni- lib. 124.  
verso Orbi Christiano faustissimus acci- *Spond. hoc*  
dit ob Jubilæi solemnitatem, quæ die anno n. 1.  
prima Januarii a Clemente VIII. sum- *tom. 4. vit.*  
mo Pontifice Romæ inchoata per inte- *Clem. VIII.*  
grum annum maxima omnium natio-  
num exspectatione, ac frequentia suit  
celebrata, nam vix unquam major erat  
populorum undique confluentium nu-  
merus, adeo, ut in solo sanctæ Trinita-  
tis Xenodochio ad suscipiendos peregrini-  
nos exteros destinato quingenta utrius-  
que sexi millia in ejusdem Hospitalis  
tabulis recensita reperiantur, præter in-  
gentem multitudinem illorum, qui in  
variis diversarum Nationum Xenodo-  
chiis, Monasteriis, privatisque domibus  
excepti fuere: ex his tamen nationibus  
Gállica hoc anno concursus frequentia,  
ac pietatis fervore celebrior erat; jam

M m 4                    du-

